

**Inunnut, Kalaallit Nunaanni pinerluttulerinermi inatsit aamma Kalaallit Nunaanni
eqqartuussisarnermik inatsit malillugit pinerluttulerineq pillugu inatsiseqartitsineq
malillugu Danmarkimi napparsimavimmi imaluunniit paaqqinniffimmi
inissinneqarsimasunut, anisinnaatitaaneq il.il. pillugit nalunaarut**

Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, kingullermik inatsisikkut nr. 202, 25. februar 2025-imeersukkut allanngortinneqartoq malillugu eqqartuussisarnermik inatsimmi § 361, imm. 4, aamma § 436, imm. 6 malillugit, kiisalu inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq, malillugu Kalaallit Nunaanni pinerluttulerinermi inatsimmi, kingullermik inatsisikkut nr. 202, 25. februar 2025-imeersukkut allanngortinneqartumi, § 160 a malillugu, aamma Naalakkersuisut, social- aamma boligministeri kiisalu indenrigs- aamma sundhedsministeri isumaqatigiinniartfigereerlugit aalajangerneqarpoq:

Atuuffia

§ 1. Pinerluttulerinermi inatsimmi § 157, imm. 1 imaluunniit eqqartuussisarnermik inatsimmi § 361, imm. 2, nr. 3 imaluunniit 4, § 436, imm. 3 malillugit eqqartuussivimmit aalajangiineq malillugu, inunnut Danmarkimi napparsimavimmi imaluunniit paaqqinniffimmi inissinneqarsimasunut, anisinnaatitaaneq il.il. pillugit nalunaarutiginninnermut nalunaarut manna atuutissaaq.

Kalaallit Nunaanni pinerluttulerinermi inatsimmi § 157, imm. 1 malillugu inissiineq

§ 2. Nakorsaaneq imaluunniit taassuma sinnisua inunnut Kalaallit Nunaanni pinerluttulerinermi inatsimmi § 157, imm. 1 malillugu tarnikkut napparsimasunut katsorsaasarfimmi inissinneqarsimasunut, taamaattoq Region Sjælland-imi Retspsykiatrisk afdelingip ataani Sikringsafdelingimiunngitsoq, tulluuttut pillugit aalajangiissaaq:

- 1) Immikkoortortaqarfimmi ammasumi imaluunniit matoqqasumi inissinneqarnissaaq.
- 2) Imikkoortortaqarfiup iluani angalaarsinnaaneq.
- 3) Ullormi tassani annerpaamik nalunaaquttap akunnerinik pingasunik sivisussuseqartumik immikkoortortaqarfiup avataanut anisinnaaneq.
- 4) Unnuinertaqanngitsumik sulisumik ataatsimik arlallinnilluunniit ingiaqateqarluni nalunaaquttap akunneri pingasut sinnerlugit immikkoortortaqarfiup avataanut anisinnaaneq.
- 5) Timikkut katsorsarneqarnissamut immikkoortortaqarfimmi kinguartinneqarsinnaanngitsumik unitsinneqarnissamut anisinnaaneq.

§ 3. Kalaallit Nunaanni pinerluttulerinermi inatsimmi § 157, imm. 1 malillugu, qallunaat kommunalbestyrelsiat, retssikkerhed og administration på det sociale område pillugu inatsimmi § 9 malillugu ikiuinissamik pisussaaffeqartoq, inunnut tarnikkut annertuumik innarluuteqartunut, inissinneqarnissamik eqqartuunneqarsimasunut aamma paaqqinniffimmi isumannaallisagaanngitsumi inissinneqarsimasunut, tulluuttut pillugit inunnut aalajangiissaaq:

- 1) Imikkoortortaqrarfiup iluani angalaarsinnaaneq.
- 2) Unnuinertaqanngitsumik sulisumik ataatsimik arlalinnulluunniit ingiaqateqarluni nalunaaquttap akunneri pingasut sinnerlugit immikkoortortaqrarfiup avataanut anisinnaaneq.
- 3) Tarnikkut napparsimasunut katsorsaasarfimmi imaluunniit timikkut katsorsarneqarnissamut immikkoortortaqrarfimmi kinguartinneqarsinnaanngitsumik unitsinneqarnissamut anisinnaaneq.

§ 4. Kalaallit Nunaanni pinerluttulerinermi inatsimmi § 157, imm. 1 malillugu, qallunaat, retssikkerhed og administration på det sociale område pillugu inatsimmi § 9 malillugu ikiuinissamik pisussaaffeqartoq, inunnut tarnikkut annertuumik innarluuteqartunut, inissinneqarnissamik eqqartuunneqarsimasunut aamma paaqqinniffimmi isumannaallisakkami inissinneqarsimasunut, tulluuttut pillugit inunnut aalajangiissaaq:

- 1) Imikkoortortaqrarfiup iluani angalaarsinnaaneq.
- 2) Sulisumik ataatsimik arlalinnulluunniit ingiaqateqarluni ullormi tassani annerpaamik nalunaaquttap akunnerinik pingasunik sivisussuseqartumik immikkoortortaqrarfiup avataanut anisinnaaneq.
- 3) Unnuinertaqanngitsumik sulisumik ataatsimik arlalinnulluunniit ingiaqateqarluni nalunaaquttap akunneri pingasut sinnerlugit immikkoortortaqrarfiup avataanut anisinnaaneq.
- 4) Tarnikkut napparsimasunut katsorsaasarfimmi imaluunniit timikkut katsorsarneqarnissamut immikkoortortaqrarfimmi kinguartinneqarsinnaanngitsumik unitsinneqarnissamut sulisumik ataatsimik arlalinnulluunniit ingiaqateqarluni anisinnaaneq.

§ 5. §§ 2-miit 4 ilanngullugu anisinnaatitaanermut il.il. akuersissut, ataasiaannarluni pisutut imaluunniit nalinginnaasumik akuersissutitut tunniunneqarsinnaavoq, taamaattoq imm. 2 takuuk.

Imm. 2. § 2, nr. 4, § 3, nr. 3 aamma § 4, nr. 3 malillugit aninissamut akuersissut ataasiaannarluni pisutut taamaallaat tunniunneqarsinnaavoq.

§ 6. Pisuni allani, §§ 2-miit 4 ilanngullugu taaneqartuni allaanerusuni, inunnut tarnikkut napparsimasunut katsorsaasarfimmi inissinneqarsimasunut, taamaattoq Region Sjællandimi Retspsykiatrisk Afdelingip ataani Sikringsafdelingimiinngitsoq, imaluunniit § 157, imm. 1 malillugu inunnut tarnikkut annertuumik innarluutilinnut paaqqinniffimmi imaluunniit immikkoortumi isumannaallisakkami imaluunniit paaqqinniffimmi isumannaallisakkami

inissinneqartussatut eqqartuunneqartunut, aninissaq il.il. pillugit naalagaaffiup unnerluussisua aalajangiissaaq.

Kalaallit Nunaanni pinerluttulerinermi inatsimmi § 157, imm. 1 malillugu Region Sjællandimi Retspsykiatrisk afdelingip ataani Sikringsafdelingimi inissiineq

§ 7. Nakorsaaneq imaluunniit taassuma sinniisua inunnut Kalaallit Nunaanni pinerluttulerinermi inatsimmi § 157, imm. 1 malillugu Retspsykiatrisk afdeling-ip ataani Sikringsafdeling-imi inissinneqarsimasunut, tulluuttut pillugit aalajangiissaaq:

- 1) Immikkoortortaqarfiup iluani unikkallernerit.
- 2) Napparsimaviup nunataanut imaluunniit eqqaanut qaninnerpaamut, tatsip eqqaanut orpippassuarnullu, anisinnaanermut akuersissut Inatsiseqarnermut ministereqarfiup akuersissutigisimappagu, napparsimaviup nunataanut imaluunniit eqqaanut qaninnerpaamut, tatsip eqqaanut orpippassuarnullu, sikringsafdelingimi sulisunik minnerpaamik marlunnik ingiaqateqarluni anisinnaaneq.
- 3) Politiit tusarniaavigereerlugit politiinit imaluunniit Sikringsafdelingimi sulisunit minnerpaamik marlunnit ingiaqateqarluni timikkut katsorsarneqarnissamut immikkoortortaqarfimmi, nakorsiartarfimmi il.il. napparsimavimmut unitsitaanani misissortinnissamut kinguartinneqarsinnaanngitsumut anisinnaaneq.
- 4) Politiinit imaluunniit Sikringsafdelingimi sulisunit minnerpaamik marlunnit ingiaqateqarluni timikkut katsorsarneqarnissamut immikkoortortaqarfimmi kinguartinneqarsinnaanngitsumik unitsinneqarnissamut anisinnaaneq.

Imm. 2. Nakorsaaneq peqanngitsillugu imm. 1, nr. 3 aamma 4 malillugit aalajangiinerit Sikringsafdelingimi nakorsaanermit allamit aalajangiiffigineqarsinnaapput.

Imm. 3. Pissutsit immikkut ittut tamanna pissutissaqartikkaangassuk, imm. 1, nr. 2 aamma 3 malillugit akuersissutit maannakkuugallartoq Inatsiseqarnermut ministereqarfimmit tunniunneqartassasut, Inatsiseqarnermut ministereqarfiup aalajangersinnaavaa.

§ 8. Anisinnaatitaanerit il.il. pillugit aalajangiinerit, § 7-imi ilaatinneqanngitsut pillugit Inatsiseqarnermut ministereqarfik aalajangiisassaaq.

Kalaallit Nunaanni eqqartuussisarnermik inatsimmi § 361, imm. 2, nr. 3 imaluunniit 4, aamma § 436, imm. 3 malillugit inissiineq il.il.

§ 9. Inuit, napparsimavimmi imaluunniit paaqqinniffimmi immikkoortortami ammasumi, matumani tarnikkut misissorneqarneq ilanngullugu, tigummigallagaanissamut taarsiullugu inissinneqarsimasut, eqqartuussivik akuersissuteqartinnagu immikkoortortaqarfiup imaluunniit paaqqinniffiup eqqaa qimassanngilaat.

Imm. 2. Inuit, napparsimavimmi imaluunniit paaqqinniffimmi immikkoortortami matoqqasumi imaluunniit isumannaallisakkami, matumani tarnikkut misissorneqarneq ilanngullugu,

tigummigallagaanissamut taarsiullugu inissinneqarsimasut, eqqartuussivik akuersiteqqaarnagu immikkoortortaqarfiup imaluunniit paaqqinniffiup eqqaa qimassanngilaat.

Imm. 3. Taamaattoq politiit akuersiteqqaarlugit, pissutsit immikkut ittut tamanna pissutissaqartippassuk, politiinit ingiallorneqarluni immikkoortortaqarfiup imaluunniit paaqqinniffiup eqqaanit aninissaq napparsimaviup imaluunniit paaqqinniffiup aqutsisuisa akuersissutigisinnaavaat.

§ 10. Tigummigallagaasut, napparsimavimmi imaluunniit paaqqinniffimmi immikkoortortami ammasumi tarnikkut misissuiffigineqarlutik unitsinneqartut, eqqartuussivik akuersiteqqaarnagu immikkoortortaqarfiup imaluunniit paaqqinniffiup eqqaa qimassanngilaat.

Imm. 2. Tigummigallagaasut, napparsimavimmi imaluunniit paaqqinniffimmi immikkoortortami matoqqasumi imaluunniit isumannaallisakkami unitsinneqarsimasut, eqqartuussivik akuersiteqqaarnagu immikkoortortaqarfiup imaluunniit paaqqinniffiup eqqaa qimassanngilaat.

Imm. 3. Taamaattoq pissutsit immikkut ittut tamanna pisariaqartippassuk politiit akuersiteqqaarlugit, piffissami sivikitsumi politiinit ingiaqateqarluni immikkoortortaqarfimmit imaluunniit napparsimaviup paaqqinniffiulluunniit eqqaani anisinnaaneq napparsimaviup imaluunniit paaqqinniffiup aqutsisuisa akuersissutigisinnaavaat.

§ 11. Eqqartuussivik allatut aalajangiisimanngippat, misissuinerup naammassineqarnissaanut najuunnissaat pisariaqanngippat imaluunniit taaneqartunut taakkorpiarnut mianersuutassat tamanna pissutissaqartinngippassuk, napparsimaviup aqutsisuisa inuit tigummigallagaanngitsut, kisianni Kalaallit Nunaanni pinerluttulerinermi inatsimmi § 436, imm. 3 malillugu, tarnikkut misissorneqarnissamut uninngatinneqartut, napparsimaviup eqqaanut anisinnaanerit akuersissutigisinnaavaat.

§ 12. Inuit tigummigallagaanissamut taarsiullugu allami inissinneqartut imaluunniit tigummigallagaasut, tarnikkut misissorneqarnissamut uninngatinneqartut, eqqartuussiviup aalajangiinerani allamik allassimasoqanngippat, imaluunniit allamut inissiinissamut politiit akuersissuteqarsimappata, immikkoortortami matoqqasumi imaluunniit isumannaallisakkami inissinneqassapput.

Anisinnaatitaanermut il.il. aalajangiinermut tunngaviit

§ 13. Ingiaqateqarluni ingiaqateqarniluunniit anisinnaanermut il.il. akuersissuteqarnermik aalajangiineq imaluunniit akuersissuteqarnermik utertitsineq pillugit oqartussaasup akisussaasuusup ingammik tulliuttut pingaartissavai:

- 1) Inunnik perorsaannermi imaluunniit katsorsaannermi sissuernerqartussat.
- 2) Pineqartup pinerluttuliornernik suliaqarnissaanut imaluunniit allakkut anisinnaanermik akuersissummik atorneerluinissaanut aarlerinaatit, matumani imminut allanulluunniit navianartorsiortitsisinnaanera ilanngullugu, aamma matumani pissutsit inissinneqarnissamik eqqartuussinermi pissutaasut.

3) Inatsisini aalajangikkanik atortitsiniaanermut sissuerneqartussat.

Imm. 2. Ingiaqateqarluni ingiaqateqarnaniluunniit anisinnaanermut il.il. akuersissutip atornerlunneqannginnissaa anguniarlugu siunertamut naleqquttut isigineqartunik, oqartussaasup akisussaasuusup, akuersissummut piumasaqaatitut piumasaqaatit aalajangersarsinnaavai, matumani:

- 1) Pineqartup aninermi nalaani sulisunik ingiaqateqarnissaa.
- 2) Pineqartup nutaamik pinerluttuliunnginnissaa imaluunniit allakkut anisinnaanermut akuersissummik atornerluinnginnissaa.
- 3) Pineqartoq aninerup nalaani imigassartussanngitsoq imaluunniit aanngajaarniutinik allanik atuissanngitsoq.
- 4) Pineqartup aanngajaarniutinik atuisimanera pasitsaanneqartillugu taanna imigassartorsimaneq pillugu misissorneqarnermut peqataassasoq imaluunniit anilernermi aamma/imaluunniit uternermi quumik misissugassamik tunniussissasoq.
- 5) Pineqartoq aninermi adressemit orninneqartussamit allaanerusumi unikkallassanngitsoq.
- 6) Pineqartoq sumiiffinni aalajangersimasuni unikkallarsinnaanngitsoq imaluunniit inuit aalajangersimasut naapinniassanngikkai.
- 7) Pineqartup ingiaqateqarnani aninerani qanigisamit assigisaanilluunniit nakkutigineqassasoq.
- 8) Anisinnaatitaanermut akuersissut pillugu politiit akerliullutik oqaaseqassanngitsut.
- 9) Tamanna tarnikkut napparsimasunut katsorsaasarfimmi nakorsaanerup imaluunniit taassuma sinniisuata imaluunniit paaqqinniffimmi aqutsisup imaluunniit taassuma sinniisuata anisinnaatitaanerup aallartinneqarnissaa sioqqutitsiarlugu illersorneqarsinnaanera nalilerpassuk, anisinnaatitaaneq taamaallaat aallartinneqassasoq.

Oqartussaasunut allanut ilisimatitsineq

§ 14. Napparsimaviup imaluunniit paaqqinniffiup aqutsisuisa oqartussaasoq, anisinnaanermik akuersissut il.il. pillugu aalajangiisimasooq, pisuni tulluittuni ilisimatissavaa:

- 1) Piginnaatitaaneq malillugu anisinnaatitaanerup utertinneqarnera pillugu aalajangiisoqarpat.
- 2) Pilersaarutit malillugit anineq ingerlanngippat.

Imm. 2. Napparsimaviup imaluunniit paaqqinniffiup aqutsisuisa imaluunniit kommunalbestyrelsip pisuni tulluittuni naalagaaffiup unnerluussisua ilisimatissavaat:

- 1) § 2, nr. 5, § 3, nr. 4, § 4, nr. 4, aamma § 7, imm. 1, nr. 4 malillugit kinguartinneqarsinnaanngitsumik unitsinneqarnissamut aninissaq pillugu aalajangiisoqarpat.
- 2) Kalaallit Nunaanni eqqartuussisarnermik inatsimmi § 336 b malillugu naalagaaffiup unnerluussisua napparsimavik imaluunniit kommune nalunaaruteqaqqullugu noqqaassuteqarfigisimappagu, inuk, § 157, imm. 1 malillugu inummut navianaatilimmik pinerluuteqarsimasooq imaluunniit kinguaassiuutitigut pinerluuteqarsimasooq

immikkoortorta qarfiup paaqqinnittarfiulluunniit eqqaani siullermeerluni ingiaqateqarani anippat.

3) Qimaasoqartillugu.

Imm. 3. Inuk, Kalaallit Nunaanni pinerluttulerinermi inatsimmi § 157, imm. 1 malillugu inissinneqarnissamik eqqartuunneqarsimasoq qimaappat, napparsimaviup imaluunniit paaqqinniffiup aqutsisuisa imaluunniit kommunalbestyrelsip politidirektøri ilisimatissavaat.

Imm. 4. Inummut, § 157, imm. 1 malillugu inummut navianaatilimmik pinerluuteqarsimasumut imaluunniit kinguaassiuutitigut pinerluuteqarsimasumut inissinneqarnissamik eqqartuunneqarsimasumut pineqaatissiineq naappat imaluunniit allannguuteqarpat, politidirektørip naalagaaffiup unnerluussisua ilisimatissavaa.

Imm. 5. § 7, imm. 1, nr. 4 malillugu kinguartinneqarsinnaanngitsumik unitsinneqarnissamut aninissaq pillugu aalajangiisoqarpat, napparsimaviup aqutsisuisa Inatsiseqarnermut ministeri ilisimatissavaa.

Aalajangiisinnaanermut piginnaasaqarnermik suliassiissutiginninneq

§ 15. Qallunaat kommunalbestyrelsiata, retssikkerhed og administration på det sociale område pillugu inatsimmi § 9 malillugu ikiunissamik pisussaatisaasup, social service pillugu inatsimmi § 108 malillugu, inunnut annertuumik aamma ataavartumik timikkut tarnikkulluunniit piginnaasakillisasunut paaqqinniffimmi, kommuninit, nunap iluani oqartussaasunit imaluunniit paaqqinniffinit imminut pigisunit imaluunniit namminerisamik neqeroorutinit ingerlanneqartuni, aqutsisoq taassumalu sinniisua §§ 3 aamma 4 malillugit anisinnaatitaanermut il.il. aalajangiisinnaanermut piginnaatissinnaavaat, matumani allannguineq imaluunniit utertitsineq pillugit.

§ 16. § 6 malillugu anisinnaatitaaneq il.il. pillugit aalajangiinerup allanngortinneqarnera imaluunniit utertinneqarnera pillugu, naalagaaffiup eqqartuussisuata tarnikkut napparsimasunut katsorsaasarfimmi nakorsaaneq imaluunniit taassuma sinniisua piginnaatissinnaavaa.

Imm. 2. Social service pillugu inatsimmi § 108 malillugu, inunnut annertuumik aamma ataavartumik timikkut tarnikkulluunniit piginnaasakillisasunut Danmarkimi paaqqinniffimmi, kommuninit, nunap iluani oqartussaasunit imaluunniit paaqqinniffinit imminut pigisunit imaluunniit namminerisamik neqeroorutinit ingerlanneqartuni aqutsisoq taassumalu sinniisua, § 6 malillugu anisinnaatitaaneq il.il. pillugit allannguissaq imaluunniit utertitsinissaq pillugu aalajangiisinnaanermik, naalagaaffiup unnerluussisuata piginnaatissinnaavai.

§ 17. Region Sjællandimi Retspsykiatrisk afdelingip ataani Sikringsafdelingenimi nakorsaaneq imaluunniit taassuma sinniisua, § 8 malillugu anisinnaatitaaneq il.il. pillugit allannguissaq imaluunniit utertitsinissaq pillugu aalajangiisinnaanermik, Inatsiseqarnermut ministereqarfiup piginnaatissinnaavaa.

Naammagittaalliorsinnaaneq

§ 18. § 2, § 3, § 4, § 7, § 9, imm. 3, § 10, imm. 3, aamma § 11 malillugit aalajangiinerit naammagittaalliuutigineqarsinnaanngillat.

Imm. 2. § 6 malillugu aalajangiinerit Danmarkimi pisortat unnerluussisussaataasuini pisortamut, Rigsadvokatimut naammagittaalliuutigineqarsinnaapput. Rigsadvokatip aalajangiineri Inatsiseqarnermut ministereqarfimmut naammagittaalliuutigineqarsinnaanngillat.

Atuutilerfissaa

§ 19. Nalunaarut ulloq 1. marts 2025 atuutilissaaq.

Inatsiseqarnermut ministereqarfik, ulloq 26. februar 2025

Peter Hummelgaard

/ Niels Dam Dengsøe Petersen